

Dr. Amha Kebede
Director General
Ethiopian Health and Nutrition Research Institute

Project Contact:
W/ro Aregash Samuel
Acting Director
Food Science and Nutrition Research Directorate
Email: aregashs@yahoo.com


Address:
Gulelle Arbegnoch Street (the former Pasteur Institute)
Gulele Sub City
P.O.B. 5456, Addis Ababa, Ethiopia
Phone: +251 11 2133499
Fax: +251 11 2757722
www.ehni.gov.et

Henock Gezahegn
Country Director
Micronutrient Initiative

Project Contact:
Girma Mamo
Senior Program Officer
Maternal Neonatal Health and Nutrition
Email: gbogale@micronutrient.org

Address:
C/O. Ethiopia-Canada Cooperation Office (CIDA-ECCO)
Nifas Silk - Lafto Sub City, Kebele 04, H. No. 161/01
P.O.B. 1009, Addis Ababa, Ethiopia
Phone: +251 113 714919
Fax: +251 113 710985
www.micronutrient.org


Effective Modalities to
Improve Pregnant Women
Compliance to the Daily Prenatal
Iron-Folic Acid (IFA) Supplementation



Dubartoota ulfaa hundaaf kinniiniin Ayiran Fooleet nibarbaachisa

Cunfaa Firii Qorannoo

Effective Modalities to
Improve Pregnant Women
Compliance to the Daily Prenatal
Iron-Folic Acid (IFA) Supplementation



A PROGRAM IN PARTNERSHIP WITH



Effective Modalities to Improve Pregnant Women Compliance to the Daily Prenatal Iron-Folic Acid (IFA) Supplementation

A PROGRAM IN PARTNERSHIP WITH



Effective Modalities to Improve Pregnant Women Compliance to the Daily Prenatal Iron-Folic Acid (IFA) Supplementation



Seensa

Hir'inni dhiigaa rakkoo hawaasa addunyaa maraati [1]. Addunyaa irratti haadhooliin ulfa ta'an parsantiin 41.8 fi haadhooliin ulfa hin taane parsantiin 30.2 rakkoo hir'ina dhiigaa qabu [1,2]. Rakkoo hir'ina dhiigaatiif sababoonni garaagaraa haa jiraatan malee walakkaan rakkina kanaa hanqina ayiraniin kan wal-qabatee dha [2]. Sababa hir'ina dhiigaan wal-qabatee haadhoolii ulfa ta'an irra rakkoon adda addaa akka gahu qo'annoon adda addaa ni mul'isu [3]. Odeeffannoon Dhaabbata Fayyaa Addunyaa (WHO) akka agarsiisutti, sadarkaa Afrikaatti haadhooliin sababii hir'ina dhiigatiin lubbuun isaanii darbu parsantii 3.7 ta'u. Haaluma wal-fakkaatun Ardii Eeshiyaatti haadhoolii parsantiin 12.8 sababii hir'ina dhiigatiin lubbuun isaanii dhabu [4]. Akkasumas sadarkaa addunyaatti haadhooliin parsantiin 22 ta'an sababa hir'ina dhiigan kan wal-qabateen lubbuun isaanii darba [5]. Firiin xinxaalla qorannoo adda addaa akka mul'isutti qabiyyee heemoogiloobiinii dhiigaa 1g/dl'n dabalun qofa du'a haadhoolii parsantii 20'n hir'isuun ni danda'ama [5]. Hir'inni dhiigaa daa'ima garaa haadhaa kessa jiru irratti miidhaa guddina dhabuu fi yeroo dahumsaas ulfaatina daa'ima baayyee gadi bu'aa ta'eef saaxiluu danda'a [3,6].

Cunfaa Firii Qorannoo

Ka'umsa Qo'annicha

Du'a haadhoolii hir'isuuf gumaachi ayiraniin qabu baayyee ol aanaa dha. Haa ta'u malee sadarkaa biyyoolessatti (Itiyooophiyaatti) haguuggiin dawaa hir'ina dhiigaa haadhoolii ulfaaf kennamu parsantii 17.3 qofa dha. Akkasumas haadhoolii garaatti baatan keessaa parsantiin 0.4 ayirani hir'ina dhiigaaf kennamu kana guyyaa 90f kan fudhatan ta'uu mul'isa.

Kaayyoo Qorannoo Kanaa

Haguuggii fi itti fufiinsa fudhannaa ykn hordoffii haadhooliin dawaa hir'ina dhiigaa (ayirani) irratti qaban hubachuu fi yoo hin fayyadamanii ta'e sababiin isaa addaan baasuu dha.

Mala Qorannoon itti geggeeffame

qorannoon madaallii raawwii Hojii irratti xiyyeeffate kun Aanaalee Sirna Nyaataa Gidu-Gala Hawaasaa (CBN) ta'an, Godina Lixa Shawaa irraa filataman lama irratti Guraandhala 12, bara 2004 hanga Bitootessa 1, bara 2004tti A.L.H gageeffame ture. Walumaa galatti qorannoon kun qabiyyee 4 (afur) of keessatti qaba.

A) Haguuggii fi itti fufiinsa hordoffii qoricha hir'ina dhiigaa (ayirani) haadhooliin waggaa darbe dahan (daa'ima waggaa tokkoo qaban) kan qoratu,

B) Sadarkaa cimina rakkoo hir'ina dhiigaa beekuuf qorannoo xiqqaan haadhoolii ulfa ta'an irratti adeemsisuu,

C) Sababii ykn halannoowan itti fayyadamiina ayirani irratti dhiibbaa fidan beekuuf marii garee fi marii dhuunfaa fayyadamuun qorannoo adeemsisuu,

D) Akkasumas qulqullina tajaajila kunuunsa dahumsa duraa hubachuuf hadhota buufata fayyaa ykn keellaa fayyaatti tajaajila argatanii bahan dubbisuunii fi akkaataa itti isaan tajaajila argatan ilaaluun ykn daawwachuudhan qorannoo adeemsisuu dha.

A Firii Qorannoo Maneen Irratti Adeemsifame

Dimshaashatti, manneen 401 (Ada'a Barga 201 fi Meetaa Roobii 200) irratti adeemsifamee ture. Aanaa Ada'a Barga fi Meetaa Roobii irratti qorannoo adeemsifame irratti odeeffannoon walii galaa hirmaattota qorannichaa gabatee armaan gadii irratti kan mul'atee jiruu dha.

Amaloota adda addaa	Ada'a Barga		Meetaa Roobi	
	Lakk.	%	Lakk.	%
Umrii haadhoolii waggaa				
Wagga 20 gadi	15	7.5	14	7.0
Wagga 20-30	145	72.9	149	74.9
Wagga 35 fi isaa ol	39	19.5	36	18.1
Haala Fudhaf Heerumaa				
Kan heerumtee abbaa manaa waliin jirtu	179	89.5	177	88.5
Sadarkaa Barnootaa				
Dubbisuu fi barreessuu kan hindandeenye	142	71	147	73.1
Sadarkaa tokkoffaa	49	24.5	47	23.4
Baay'ina ijoollee deessee				
2 to 4 births	93	46.7	89	44.5
>= 5 births	72	36.2	77	38.5

Gabatee 1: Amaloota hawasummaa hirmaattota qorannoo kanaa, Aanaalee Ada'a Barga fi Meetaa Roobi. Guraandhala, 2004 A.L.H

Akkuma gabatee armaan gadii irratti mul'isuuf yaalametti, haguuggiin tajaajila kunuunsa dahumsa duraa Ada'a Bargaatti harka dhibba keessaa parsantii 69.5 yommuu ta'e kan Aanaa Meetaa Roobi immoo harka dhibba keessaa parsantii 58.7 dha. Yeroo baayyee Ada'a bargaatti dubartiin tokko ulfa taatee naannoo ji'a 1 hanga 6 gidduutti kan jalqaban yommuu ta'u aanaa Meetaa Roobitti immoo naannoo ji'a 3 hanga ji'a 6 gidduutti dha. Haaluma wal-fakkaatun haadhooliin ulfa ta'an keessaa aanaa Meetaa Roobii caala (harka dhibba keessaa parsantii 47), Ada'a Bargaattii (harka dhibba keessaa parsantii 61) haadhooliin tajaajila kunuunsa dahumsa duraa mana yaalatti si'a 4 fi isaa ol kan deddeebi'an ta'uu hubatamee jira (gabatee 2 ilaali).

Haadhoolii ji'oottan 12 n darban keessa dahan keessaa Aanaa Ada'a Bargaatti parsantiin 37.5 fi Meetaa Roobitti parsantiin 20.9 ayirani yeroo ulfa turanitti fudhatanii kan turan yemmuu ta'u, Ada'a Bargaatti parsantiin 2.0 fi Meetaa Roobitti parsantii 0.5 qofti ayirani guyyoottan 90 fi isaa oliif kan fudhatanii turan ta'uu isaa qorannoon kun ni ibsa. Haadhooliin baayyee, tajaajila kunuunsa dahumsa duraa ulfa ta'anii naannoo ji'oottan 5 keessatti jalqabu. Haadhoolii haala itti fayyadamiinsa ayirani, baayyina fudhatamuu qabuu fi rakkoo fayyadamuun wal-qabatanii dhufan ilaalchisee gorsa argatan keessaa, waa'ee rakkoo ayirani fudhachuun wal-qabatee dhufuu ilaalchisee kan gorsa argatan baayyee xiqqaadha.

WABILEE

1. WHO, CDC. Worldwide prevalence of anemia 1993-2005: WHO global database on anemia. Edited by de Benoist B, McLean E, Egli I, Cogswell M. Geneva; 2008.
2. Sight and Life. The guidebook nutritional anemia. Edited by Badham J, Zimmermann MB, Kraemer K. Basel; 2007.
3. Allen LH. Anemia and iron deficiency: Effects on pregnancy outcome. Am J Clin Nutr 2000; 71(suppl):1280-4.
4. Khan KS, Wojdyla D, Say L, Gülmezoglu AM, Van Look P. WHO analysis of causes of maternal death: a systematic review. Lancet 2006; 367: 1066-74.
5. Stoltzfus RJ, Mullany L, Black RE. Iron deficiency anemia. In comparative quantification of health risks. Volume 1. Edited by Ezzati M, Lopez AD, Rodgers A, Murray C. Geneva: WHO Press; 2004: 163-209.
6. Zeng L, Cheng Y, Dang S, Yan H, Dibley MJ, Chang S, et al. Impact of micronutrient supplementation during pregnancy on birth weight, duration of gestation, and perinatal mortality in rural western China: Double blind cluster randomised controlled trial. BMJ 2008; 337: a2001.



E Cuunfaa

Walumaa galatti kenniinsa Ayiran Foolik Asiidii ilaalchisee rakkoolee gama kenniinsa tajaajilaan jiran keessaa baayyee isaanii Ayiran Aooliik Asiidii gahaa ta'e dhabuu fi rakkoolee dhiyeesaa, gadi bu'iinsa qulqullina tajaajila kunuunsa dahumsa duraa, bakka hojiitti argamu dhiisuu hojjetoota ekisteenshinii fayyaa, hogsessota fayyaa kallattiin tajaajila kunuunsa dahumsa duraa irratti hojjetaniif leenjii otuu hin kennamiin hafuu, hir'ina meeshaalee gargaarsa hojii fi barnoota fayyaa, hir'ina muuxannoo gorsa kennuu ogeessota fayyaa, fi beekumsa ogeessonna qajeelcha biyyoolessaa kenniinsa tajaajila irratti qabaniif murtaawaa ta'u dha. Gama tajaajilamtootaan rakkooleen jiran, rakkoowan ulfaa ta'uun wal-qabatanii quunnamuuni danda'anii hin saaxilamu ta'a ykn na hin quunnamu jedhani yaaduu, tajaajila kunuunsa dahumsa duraa turanii jalqabuu fi haadhooliin muraasni qofti hordofuu, fageenya manneen yaalaa, namoonni muraasni odeeffannoo dogoggoraa ayiranii fudhachu irraati qabaachuu fi beekumsa gadi aanaa wantoota hir'ina dhiigaaf sababii ta'anii fi maloota ittiin ittisan irratti qabaachuu faadha.


1. Dhiyeesa fi tajaajila kenniinsa ayiranii haala itti fufiinsa qabuun dhaabbata mootummaa fi miti mootummaa hirmaachisuun sadarkaalee eegumsa fayyaa hundatti mirkaneessuu.
2. Dhiyeesa ayiran fooleetii kanneen akka qoqqoodinsa fedhii fi gaaffii irratti hundaa'e hordofuu, dawaa of-harkaa qabnuu fi nu barbaachisuu bin-kaardii fayyadamuun too'achuu, gabaasa manneen yaalaa irraa dawaa irratti hojjetamu hordofuu fi fooyyessuun hojii irra oolchuu.
3. Kenniinsi ayiranii karoora fi too'annoo aanaa keessa akka oolu akkasumas qabiyyee hordoffii suupervayizarootaa akka ta'u babal'isuu.
4. Maloota too'annoo kenniinsa fi itti fufiinsa fudhannaa ayiranii haala qabatamaa ta'een fooyyessuu fi hojii irra oolchuu.
5. Fayyadamtoonni tajaajila kenniinsa ayiranii akka salphaatti akkaata kenniinsa ayiranii hojii oolee-gala (out-reach) waliin qindeessuun mana manarra haala ittiin raabsamu mijeesuu.
6. Hubannoo haadhooliin fayidaa tajaajila kunuunsa dahumsa duraa irratti qaban, miidhaa hir'ina dhiigaa haadhoolii irratti qabuu fi bu'aa ayiraaniin qabu, marii dhuunfaa ykn marii hawaasaa fayyadamuun barnoota fayyaa kennuun fooyyesuu.
7. Sochii hawaasaa fi humna hojjetoota fedhii fayyaa hawaasaa fooyyessuun, haadhoolii ulfa ta'an yeroon addaan baasuun gara mana yaalatti akka ergan, ayiranii haala itti fufiinsa qabuun akka fudhatanii fi sagantaa idillee TKDD akka hordofan akka barsiisaniif fi amansiisan gochuu.
8. Hawaasa naannoof sagantaa idillee guyyoota tajaajilii kunuunsa dahumsa duraa itti kennamu beekisuu.
9. Haguuggii, qulqullinaa fi guutummaa qabiyyee-wwan tajaajila kunuunsa dahumsa duraa maloota armaan gadii fayyadamuun fooyyessuu.
 - a) Beekumsaa fi muuxannoo ogeessonna fayyaa qindoomina tajaajila kunuunsa dahumsa duraa irratti qaban, leenjii dorgomtummaa irratti xiyyeeffate kennuun fooyyessuu.
 - b) Qajeelfama biyyoolessaa kenniinsa ayiranii irratti qophaa'e buufatoota fayyaa fi keellaa fayyaa hundaaf qoqqooduu ykn kennuu.
 - c) Meeshaalee gargaarsa hojii fi barnoota fayyaa barbaachisan haala hawaasa salphaatti hubachiisuu danda'uun kennuu.
10. Deeggarsaa fi hordoffii qindoomina qabu sadarkaa aanatti cimsuun.

Aanaalee	Haguuggii TKDD (%)	Yeroo tajaajilii kunuunsa dahumsa duraa (TKDD) itti jalqabu (%)			Baay'ina yeroo deddeebii TKDD'f godhame (%)		
		1st	2nd	3rd	1	2 - 3	4+
Indertaa	72.6	33	52	14	14	33	52
Alaamaaxaa	78.8	36	56	8	12	50	38
Manzi Mammaa	63.1	25	50	25	8	46	38
Manzi Geeraa	65.0	14	50	36	7	50	43
Ada'aa Bargaa	69.5	44	44	11	6	33	61
Meetaa Roobi	58.7	33	53	13	7	47	47
Masqaan	82.0	50	50	0	0	38	63
Sankura	87.0	42	58	0	0	15	80

Gabatee 2: Haguuggii fi itti fayyadaminsa tajaajila kunuunsa dahumsa duraa (TKDD) kan Aanaalee 8ti. Adoolessa, 2004 A.L.H.

Haadhoolii 335 yeroo ulfa turani ayiranii fudhachaa turan keessaa baayyee isaanii, parsantiin 91.2 kan ta'an, guyyaatti tokko tokko fudhachaa turan. Parsantiin 1.1 torbeetti ayiranii 1 fi isaa ol hiraanfachuun otuu hin fudhatiin hafu. Akkasumas, parsantiin 4.4 itti fayyadamu gonkuma ni dhisu, parsantiin 0.3 kan ta'an immoo gonkuma hin fudhanne. Sababbiwwan

Haala fidhannaa kiiniina ayiranii aanaa Ada'aa Bargaa fi Meettaa Roobii, Adoolessa bara 2004



Fakkii 1: Haala fidhannaa kiiniina ayiranii aanaa Ada'aa Bargaa fi Meettaa Roobii, Adoolessa bara 2004.


Fakkii 1

haala itti fufiinsa qabuun otuu ayiranii hin fudhatiin hafan keessaa inni tokko manneen eegumsa fayyaa dawaa kanaa dhibuun parsantii 61.7 yommuu ta'u, sababiwwan biraan immoo rakko addaa qoricha kan fudhachuu wajin wal-qabate quunnammu parsantii 20, irraanfachuun ykn dagachuun parsantii 15 fi miidhaa qorichi ykn dawaan kun fayyaa irratti qabu sodaachuu parsantii 1.3 ture. Aanaalee Ada'aa Bargaa fi Meettaa Roobitti, yeroo baayyee haadhooliin ulfa ta'an tajaajila kunuunsa dahumsa duraa ulfa


ta'anii, naannoo ji'a 3ffaa tti kan jalqaban yoo ta'u ayiranii immoo naannoo ji'a 4ffaa tti jalqabu (fakkii 2ilaala).

Haguuggii tajaajila kunuunsa dahumsa duraa fi tajaajila itti fayyadama ayiran fooleetii gidduu garaagarummaa guddatu jira. Haguuggiin tajaajila kunuunsa dahumsa duraa kan aanaa lamaanii yommuu wal dorgomsifnu kan Aanaa Ada'aa Bargaa parsantii 69.5 yommuu ta'u kan Aanaa Meettaa Roobii immoo parsantii 58.7 dha. Haata'u malee, haguuggiin tajaajila kunuunsa dahumsa duraa tajaajila itti fayyadama ayiran fooleetii bakka bu'uu hin danda'u. Haguuggiin kun aanaa Ada'aa Bargaa parsantii 37.5 fi aanaa Meettaa Roobitti parsantii 20.9 dha (fakkii 3 ilaala).

Baay'inni deddeebii'uu tajaajila hordoffii kunuunsa dahumsa duraa yommuu baayyachaa deemu baayyinni ayiranii haadhooliin fudhatan akkasuma dabalaa deema. Haadhoolii tajaajila hordoffii kunuunsa dahumsa duraaaf sifa tokko qofa mana yaalaa deeman keessaa ayiran fooleetii guyyoota 60-90 kan fudhatan hin jiran. Haa ta'u malee, haadhooliin tajaajila kunuunsa dahumsa duraaaf sifa 4 fi isaa ol gara mana yaalaatti deddeebi'uu ayiran fooleetii guyyoota 90 ol fudhatan parsantii 20 dha (fakkii 4 ilaala).



Fakkii 2: Yeroo tajaajilii kunuunsa dahumsa duraa fi ayiranii itti jalqabu, aanaalee Ada'aa Bargaa fi Meettaa Roobii, Adoolessa, 2004 A.L.H.



Fakkii 3: Gama gurgummaa haguuggii hojjetii hojjetii kunuunsa dahumsa duraa fi kenniinsa ayiranii karoora, aanaalee Ada'aa Bargaa fi Meettaa Roobii bara...

B Firi Qorannoo- hir'ina dhiigaa (Qorannoo Xiqqaa)


Babafina rakkoo hir'ina dhiigaa hubachuuf haadhooliin ulfa ta'an 414 anaalee qorannoo kun itti gagefaman keessaa darbee darbee filatamanii turan. Akka qorannoo kanaatti baayyinni heemoogilooibiinii dhiiga keessa jiru 11.5(±1.6)g/dl dha. Walumaagalatti, babal'inni rakkoo hir'ina dhiigaa parsantii 33.2 yommuu ta'u, ciminni hadhooata rakkoo hir'ina dhiigaa garaagarummaa qaba. Hirmaattota qorannoo kanaa keessaa, parsantii 18.8 kan ta'an hir'ina dhiigaa xiqqaa qabu, parsantiin 13.6 hir'ina dhiigaa giddu galeessa kan qaban yommuu ta'u parsantiin 0.8 immoo hir'ina dhiigaa ol-aanaa qabu.

Hirmaattota qorannoo xiqqaa (mini survey) kana irratti hirmaatan keessaa parsantiin 38.5 yeroo ulfa turan yoo xiqqaate ayiranii si'a tokko fudhachuu isaanii ibsanii jiru. Yeroo eddattoon ykn fakkisaan (sample) dhiigaa haadhoolii ulfa irraa fudhatamaa turetti haadhoolii parsantiin 8.9 ta'an ayiranii guyyootan 1-29'f kan fayyadamaa turan yommuu ta'u,

Anoole	Tamsa'ina cimina hir'ina dhiigaa (%)			
	hir'ina dhiigaa (walligalati)	hir'ina dhiigaa xiqqaa	hir'ina dhiigaa giddu-galeessa	hir'ina dhiigaa ol-aanaa
Indertaa	8.0	2.0	6.0	0.0
Alaamaaxaa	8.0	8.0	0.0	0.0
Manzi Mammaa	30.2	17.0	11.3	1.9
Manzi Geeraa	46.0	38.0	8.0	0.0
Ada'aa Bargaa	54.0	36.0	16.0	2.0
Meetaa Roobi	16.0	12.0	4.0	0.0
Masqaan	39.3	17.9	19.6	1.8
Sankura	67.3	20.4	46.9	0.0
Id'ama	33.2	18.8	13.6	0.8

Gabatee 3. Soddorkaa fi tamsa'ina hir'ina dhiigaa, Adaalessa, 2004 A.L.H.

Mean hemoglobin concentration with 95% CI across categories of duration of IFS in the selected eight woredas. March, 2012.



Fakkii 4: Baay'ina deddeebi yeroo tajaajilakunuma dahumsa duraaf godhamee fi baay'ina kiniina ayirani fudhatame. Anaalee Ada'aa Bargaa fi Meetaa Roobi. Adaalessa, 2004 A.L.H.

Figure 5

haadhooliin parsantii 12.6 ta'an aayiranii guyyootan 30-59'f, parsantii 6.1 ta'an immoo guyyoota 60-89'f fudhatanii . Parsantii 7.4 kan ta'an qofatu guyyaa 90 fi isaa oliif kan fudhatan ta'uu beekameera.

Dhiiga haadhooliin aayiranii guyyoota 90 fi isaa ol fudhachaa turan kessatti baayyinni heemoogilooibiinii ol -aanaa kan argame yoo ta'u kun immoo haala gaarii ta'uu isaa muul'isa. Baay'inni heemoogilooibiinii dhiiga keessati argamuu baay'inna yeroo ayiranii fayyadaman waliin garaagarummaa qaba. Kunis, haadhooliin aayiranii guyyootan 30 gadi fudhatan qabiyyeen heemoogilooibiinii isaanii 11.1(±1.2) g/dl, guyyootan 30-59'f fudhatan heemoogilooibiinii 11.14(±1.8) g/dl fi guyyootan 60-89'f fudhatan qabiyyeen heemoogilooibiinii isaanii 12.4(1.5) g/dl dha.

C Firi Qorannoo Ba'iinsa Tajaajilaa Boodaa fi Daawwannoo Kenniinsa Tajaajilaa

Anaalee lamaan qorannoo filataman kana kessatti haadhooliin tajaajila kunuunsa dahumsa duraaf mana yaalaatti tajaajilamanii yeroo bahan haasofsiiisuun qulqullina tajaajilichaa madaaluuf yaalamee ture, kunis lakkoofsaan 12 yommu ta'u, haaluma wal fakkaatuun akkaataa itti tajaajila irratti daawwannaa 12 adeemsifamee ture.

- Ogeessonni fayyaa yeroo tajaajila kennan yeroo baayee galmee fayyaa tajaajilamtootaa hin ilaalan.
- Haadhoolii ulfa ta'an muraasaf ayiranii kan kennameef yommuu ta'u, odeeffannoo haala itti fayyadamiina dawaa ayiranii hadhooliin kun qabanis gahaa miti.
- Itti fufiinsa ayiranii kana fayyadamuu isaanii mirkaneffachuuf hadhooliin muraasi qofaan ilaalamu isaanii hubatameera.
- Qindoominni fi qulqullinni tajaajila kunuunsa dahumsa duraa gadi bu'aa dha. Tariibni tajaajili itti kennamu kan kennamuf haa ta'u malee, firiin qorannoo adda addaa fayyadamtoottatti hin himamu.
- Of eeggannoo qaamaa, nyaata madaalamaa nyaachuu, rakkoowwan ulfaan wal qabate dhufuu danda'uu fi barbaachisummaa harma qofa hoosisuu ilaalchisee gorsi hadhoolii kanaaf kennamu hin jiru jechuun ni danda'ama.
- Baayyinaan, haadhoolii deddeebi'anii fayyadamiif beellamni ni kennama.
- Baayyinaan, kenniinsi qoqqoodinsi ayiranii, fedhii buufata fayyaa fi kella fayyaa ilaalcha keessa kan hin galchine dha. Dabalataanis, baayyinni barbaachisu durfame hin karoofamne. Anaaleen lamaanuu sagantaa ayiraniin itti kennamu dhaabataa hin qaban.

D Firi qorannoo Marii Garee fi Marii Dhuunfaa irraa Argame

Tajaajila Kunuunsa Dahumsa Dura

- Hubannoon, ilaalchii fi itti fayyadamiinsi TKDD fooya'iinsa qaba.
- Beekumsa haadhooliin tajaajila kunuunsa dahumsa duraa dafanii jalqabuuf qaban gahaa miti.
- Baayyinaan haadhooliin tajaajila hordoffii kunuunsa dahumsa duraa jalqabuuf hanga mucaan gadaamessa keessatti sochii jalqabutti ykn ulfi ifatti beekisutti eegu.
- Rakkoowwan hawaasummaa fi xinsammun (psychology) wal-qabatan ilaalchisee, rakkoowwan ulfaan wal qabatan harra hin qaqabu jedhanii yaaduu, sodaachuu ykn qaana'uu, ijoollee dura dahan hordoffii mana yaalaan ala dahuu fi baayyinni hojii manaa keessaa sababiwwan gurguddoo tajaajila itti fayyadamiinsa dahumsa duraa irratti gufuu ta'an keessaa adda duree dha.
- Tajaajila kunuunsa dahumsa duraa idileen ala ta'e ykn haala itti fufiinsa qabuun kennuu dhiisuu fi guyyootan tajaajili itti kennamu ilaalchisee odeeffannoo quubsaa ta'e hawaasaf kennuu dhiisuun saboota gufuu ta'an kan birootti.
- Ciminni fi amansiisummaan hojjetoota ekisteenshinii fayyaa dabalaa jira. Akkasumas, hawaasni TKDD fooya'iinsa agarsiisuu isaa dubbatu.
- Tajaajili PMTCT akkuma tajaajila kaanii gara keellaa fayyaatti yoo gadi bu'an gaarii ta'uu.
- Sagantaale Ekisteenshin Paakeejii keessaa tajaajili kunuunsa dahumsa duraa caasaalee eegumsa fayyaa keessatti xiyyeeffannoo gahaa ta'e hin arganne.
- Too'annoon tajaajila kenniinsa kunuunsa dahumsa duraa haguuggii tajaajilichaa fi baay'ina yeroo deddeebii irratti kan xiyyeeffate waan ta'eef, qabiyyeeffannoo tajaajila kunuunsa dahumsa duraa, qulqullinaa fi itti fufiinsi tajaajilichaa xiyyeeffannaa kan hin agranne ta'uun isaa ubatamee jira.

Hir'ina dhiigaa haadhoolii

- Haadhooliin fi ogeessonni fayyaa mallattoolee hir'ina dhiigaa fi mala ittisa isaa ilaalchisee hubannoo xiqqaa qabu.
- Beekumsa hojjetoota fedhii fayyaa hawaasaa, beekumsa hawaasan adda addummaa hin agarsiifne.
- Ogeessonni baayyeen isaanii hir'ina dhiigaa fi dhiibbaa dhiigaa walitti maku. Akkasumas, hojjetoonni ekisteenshinii fayyaa baay'inaan hir'inni dhiigaa kan beekamu dhiibbaa dhiigaa lakkaa'uun akka ta'e yaada isaanii kennanii jiru.
- Beekumsa ogeessonni fayyaa fi tajaajilamtoonni kunuunsa dahumsa duraa sababii fi miidhaalee hir'ina dhiigaa irratti qaban quubsaa miti.

Sagantaa kenniinsa Ayirani Fooleetii

- Haadhooliin marii garee irratti hirmaatan ayiranii fudhachuun fayyaa isaaniif faayidaa akka qabuu amantaa qaban ibsanii jiru.
- Haadhooliin tokko tokko "kiniinaa diddiimtuu" jechuun ayiranii kan gaafatan ta'uu ogeessonni fayyaa tokko tokko muuxannoo isaanii ibsanii jiru.
- Yaadni ayiranii fudhachuun daa'ima garaatti guddisuun ciniisuu namarra tursa, iedhu, ilaalcha dogoggoraa gama warra ayiraniin fudhatanii jiru dha.
- Baayyinaan kiniinaa fi yeroo kenniinsa kiniina ayiranii ilaalchisee hubannoon hojjetoonni ekisteenshi fayyaa, too'attoonni hojjetoota ekisteenshi fayyaa fi narsoonni kutaa tajaajila haadhoolii fi daa'imannii qaban baayyee wal-makaa kan ta'ee fi dhaabbataa miti. Hundi isaanii sadarkaa biyyoolessaatti qajeelchi dhaabbataa ta'e jiraachuu isaa hin beekan.
- Itti fufiinsa fudhannaa ayiranii ilaalchisee ogeessonni fayyaa odeeffannoo gahaa ta'e hin qaban.
- Sababoonni dubartoonni ayiranii hin fudhatiin keessaa muraasni isaa, hirraanfachuu, rakkoo wal-qabataa ta'e dhufu sodaachuu (fear of side effect), dawaa yeroo dheeraaf fudhachuu sodaachuu, bu'aa ayiraniin qabu irratti tilmama gadi aanaa qabaachuu fi ayiraniin si'a dhumu yeroon bakka buusuu dhabuu irraan kan ka'e tajaajila hordoffii dahumsa duraa addaan kutuu dha.
- Sagantaan HMIS'n jiru, kenniinsa ayiranii dabalatee tajaajila kunuunsa dahumsa duraa gadi fageenyaa mala itti too'atu hin qabu.

(Hubachisa: TKDDn = Tajaajila Kunuunsa Dahumsa Dura)